

Na osnovu člana 20. Odluke o osnivanju JU Fond Memorijala Kantona Sarajevo („Službene novine Kantona Sarajevo“, br. 28/18 i 11/19) i člana 16. Pravila JU Fond Memorijala Kantona Sarajevo („Službene novine Kantona Sarajevo“, br. 26/19), a u skladu sa Odlukom Upravnog Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida o saglasnosti za postavljanje kase/kupole za prikupljanje novca na Spomeničkom kompleksu „Tunel D-B“ broj: UO/13-74-1-7/17 od 16.10.2017. godine, direktor donosi:

**PROCEDURE I MJERE KOJIMA SE REGULIŠE KONTROLA NAD NOVČANIM  
SREDSTVIMA KOJA SU PRIKUPLJENA DONACIJAMA FIZIČKIH LICA PUTEM  
KUPOLE/KASE POSTAVLJENE UNUTAR SPOMENIČKOG KOMPLEKSA „TUNEL D-B“**

**I OPĆE UPUTE**

**I**

Ovim procedurama je opisan način manipulacije i mjere kontrole nad novčanim sredstvima prikupljenim donacijama fizičkih lica putem kupole/kase postavljene unutar Spomeničkog kompleksa „Tunel D-B“.

**II**

Za provođenje ovih procedura odgovoran je Pomoćnik direktora Sektora za muzejske zbirke i postavke i Pomoćnik direktora Sektora za pravne, ekonomske i opće poslove.

**III**

Svi radnici Fonda Memorijala koji budu na bilo koji način uključeni u proceduru kontrole nad novčanim sredstvima prikupljenim donacijama fizičkih lica putem kupole/kase postavljene unutar Spomeničkog kompleksa „Tunel D-B“ dužni su poslove i zadatke obavljati u skladu sa zakonskim propisima, ovim procedurama i drugim normativnim aktima.

**II KOMISIJA ZA OTVARANJE KUPOLE/KASE I POPIS NOVČANIH SREDSTAVA  
PRIKUPLJENIH DONACIJAMA FIZIČKIH LICA**

**IV**

Otvaranje kupole/kase i popis novčanih sredstava prikupljenih donacijama fizičkih lica vrši Komisija za otvaranje kupole/kase.

Otvaranje kupole/kase vrši se 1 (jedan) put mjesečno, a po potrebi i više puta, ovisno o količini prikupljenih sredstava u kupoli/kasi.

Komisiju čine 3 (tri) člana. Pored postojećih članova komisije se imenuje i 1 (jedan) zamjenski član. Članovi Komisije, pored predstavnika Fonda Memorijala, mogu biti i predstavnici Ministarstva za boračka pitanja Kantona Sarajevo i predstavnici Ministarstva finansija Kantona Sarajevo o čemu odlučuje direktor Fonda Memorijala, a o čemu će se naknadno donijeti rješenje.

O otvaranju kupole/kase i prikupljenim novčanim sredstvima Komisija iz stava 1. ovog člana dužna je sačiniti zapisnik o popisu svih novčanih sredstava po valutama prikupljenim u kupoli/kasi, koji će se u jednom primjerku dostavljati i u odsjek za ekonomske poslove.

Predsjednik komisije ili jedan od članova, sredstva prikupljena u stranim valutama će konvertovati u KM u mjenjačnici ili banci. Dokaz vezan za troškove konverzije priložiti će se uz zapisnik.

### **III ZAVRŠNE UPUTE**

#### **V**

Na osnovu zapisnika i dokaza o konverziji, blagajnik na Spomeničkom kompleksu „Tunel D-B“ evidentira ulaz u blagajnu (popunjava obrazac nalog blagajni da naplati) i isti evidentira u blagajnički dnevnik.

Polaganje pazara u banku vrši se na osnovu virmanskog naloga, koji sačinjava blagajnik ili druga ovlaštena osoba, a u skladu sa Instrukcijom o pologu doniranih sredstava. Ovom prilikom se sačinjava izlaz iz blagajne na način da se popunjava obrazac nalog blagajni da isplati i isti se provodi kroz blagajnički dnevnik, a sredstva sakupljena donacijama fizičkih lica polažu se na depozitni račun Budžeta Kantona Sarajevo, na vrstu prihoda namijenjenu za donacije fizičkih lica.

Blagajnik evidentirani ulaz i polog prikupljenog novca kroz blagajnički dnevnik, dostavlja u finansije radi knjiženja, evidentiranja i kontrole.

Polog doniranih sredstava će se vršiti istovremeno (na dva odvojena naloga) sa pologom pazara od prodaje karata na Spomeničkom kompleksu „Tunel D-B“, u poslovnicu BBI banke koja se nalazi na Ilidži u ulici Mustafe Pintola br.23.

#### **VI**

Na prevoz i prenos gotovog novca od prikupljenih donacija primjenjivat će se ista pravila propisana Procedurama i mjerama kojima se reguliše kontrola nad prodajom ulaznica i rukovanja gotovim novcem od prodaje ulaznica za Spomenički kompleks „Tunel D-B“.

#### **VII**

Nepoštivanje ovih uputa povlači sa sobom zakonom predviđene sankcije.

Broj: 13-14-529/19  
Sarajevo, 06.11.2019.godine

**DIREKTOR**  
**Suad Zijadić, prof.**

Dostaviti:

1. Sekretar Fonda Memorijala
2. Sektor za pravne, ekonomske i opće poslove
3. Sektor za muzejske zbirke i postavke
4. a/a